



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

De Qvinto Modo terminandi processum fidei p[er] abiurationem de  
vehementi.

**urn:nbn:de:hbz:466:1-13589**

hoc eodem commentario. §. iam vt constat. & ita nominatim faciendum docet in hac causa, quocumque modo in delicto fuerit processum, Conradus Brunus lib. 4. de heret. c. 10.

Inquisitores per alios possunt pronuntiare sententias.

Et quamquam in alijs causis index ipse, non alius sententiam pronuntiare debeat, Inquisitores tamen hereticæ prauitatis per alios possunt eas recitare. c. vt commissi. in principio. de heret. lib. 6. vbi notant Joannes And. Dominicus, & alij. tradit Conradus Brunus lib. 4. de heret. c. 10. & Ioannes Roias in singularibus fidei, singula. 94. in prin. Nam Inquisitores sicut Episcopi sententias possunt per alios recitare, vt dicit Gemianus in cap. vlt. de re iud. & Bernardus in Lucerna verbo, sententia. §. 9. idem verbo, Inquisitor. §. 28.

De die profrenda sententia.

Iam sententiæ reorum de die, non de nocte profrendi debent. Panormitanus in c. consiluit. de officio delegati. & ibi Felynus: fieri tamen potest quandoque, vt ob multitudinem reorum, & prolixitatem processuum, & delictorum, non possunt comode aliquorum sententiæ interdum in hoc crimine pronuntiar, presertim quo tempore ad actionem fidei publicam plures rei simul produciuntur, quo casu quâuis de nocte nonnullorum sententiæ proferantur, non ideo reddentur vane, aut nullæ: melius tamen erit, & securius propter alia pericula, quæ ob tenebras interuenire possunt, interdum omnia absolueri.

Qualiter ordinanda sint condemnatoria.

Postremo, sententia condemnatoria ita formabitur, vt in ea primum qualitas hæresum, & errorum à reo assertorum declaratur: inde diligens criminum, inuestigatio, citationes, admonitiones, confessiones, probationes legitime, inducunt ad penitendum competentes data, obduratus in erroribus reorum animus, & reliqua quæ ad iustum processum faciendum, attinent, enumerentur; tandem pro qualitate criminis secundum leges, & regulas in hoc crimine obseruandas subiungatur ipsa sententia dispositio. Conradus Brunus lib. 4. de heret. c. 10. Simancas de catho. instit. tit. 60. nu. 2.

Cetera vero, quæ ad particulares quorundam reorum sententias spectant, veluti impenitentium, & relapsorum, paulo post suis locis dicam: hic enim in genere tantum ostendimus, quæ in pronuntiandis sententijs sint obseruanda. & multa consulo omisimus, quæ vel in hoc crimine locum non habent, vel facilia sunt, & cuique vel mediocriter erudito, nota.

Si eodem sententia qualiter executioni mandanda.

Sed iam alterum susceptæ disputationis, caput abfoluamus, videlicet, de sententiæ pronuntiatione, in quo hæc summa est: Si rei contra quos sententia lata est, relapsi fuerint, aut impenitentes, curie seculari relinquuntur, nec in his vlla amplius sunt Inquisitorum partes, sed illi per iudices seculares statim debent vltimo affici supplicio, vt alibi fusius dictum est.

Admonitio Inquisitorum ad penitentes.

Quod si penitentes, & reconciliati fuerint, & in publicum spectaculum producti eo die, quo sint in eos sunt prolata, ad solitos sancti officij carceres reducendi sunt, & die sequenti producantur in adiutorio Inquisitorum, & admocebuntur eorum quæ per sententias fuerint illis iniuncta, & quàm graues penas sint habituri, nisi humiliter iniunctas penitentias adimpleant: quibus peractis, nunquamque mittentur ad locum, quem ei per sententiam assignauerunt.

A Illos vero, quos ad penas trivremium condemnauerunt, ad carceres iudicium secularium transfundendos curabunt. in his denique quisque laudabile sue Inquisitionis consuetudinem obseruabit, quamuis superiora tuta sint, & quæ facile possint, aut debeant in hoc iudicio obseruari.

d Per modum qui sequitur condemnamus, Penitentiamus, seu potius penitentiamus. Penitentiamus dicit, non punimus, quonia quæ redeunt tibus imponuntur penitentia, non sunt proprie penas, sed salutare medicina, & penitentia quidē eius dicitur. B qui leuiter abiurauit, arbitrio Inquisitoris imponitur, iuxta personarum, & delicti qualitatem; in quo hoc est obseruandum, quod hic indicat Emericus, videlicet contraria eorum quæ commiserunt, reis iniungatur: quod etiam plenius explicui supra in hoc 3. par. commentario. 7. nu. 18. §. & dicitur eis sic; traditurque singulariter Zachimus tract. de heret. c. 20. vbi valde prudenter docet quomodo sint imponende penitentiales pænæ iuxta personarum, & delictorum qualitatem.

### De quinto modo terminandi processum fidei per abiurationem de vehementi.



Vintusmodus processum fidei finit di, & terminandi est, quando delatus de hæresi, processum meritis diligenter discussis cum bono consilio in iure peritorum, reperitur suspectus de hæresi vehementer: & hoc est quâdo delatus de hæretica prauitate, non reperitur legitime deprehensus, nec confessione propria, nec facti euidencia, nec testium productione legitima, sed sunt magna, & graua probata indicia contra eum, & talia per consilium iudicata, quæ illi reddunt suspectum vehementer de predicta hæretica prauitate.

D Circa istum talis practica est seruanda. Talis namque debet, vt suspectus vehementer de tali hæresi, abiurare illam hæreticam prauitatem, quod si postmodum relabatur, per na relapsus de bita puniatur: hoc est, quod tradatur brachio seculari vltimo supplicio feriendus, iuxta c. Accusatus. in prin. de heret. lib. 6. t. t. abiurabit publice, vel secrete, secundum quod suspectus est habitus publice, vel secrete, & apud plures, vel pauciores, & graues, vel leues, vt dictum est statim de illo, qui est suspectus leuiter de hæresi, & habet vt talis hæresim abiurare.

E Modus autem disponendi ad abiurationem talis erit.

### Forma disponendi ad hæresim abiurandam eum, qui est suspectus de hæresi vehementer.

Si enim determinatum est per consilium, quod delatus ille debeat in cathedrali, vel alia solenni ecclesia publice abiurare, per aliquot dies

ante ex parte Episcopi, & Inquisitoris, vel eorū  
lterius, per omnes ecclesias illius ciuitatis, vel lo  
ci, in quo henda est abiuratio antedicta, populo  
publicē indicatur, quod tali die, & in tali eccle  
sia, Inquisitor de fide sermonem debet facere ge  
neralem: & quod non erit sermo in illa ciuitate,  
vel loco, nisi ibi; & sic quod veniant, & habebūt  
indulgentiam consuetam. Et eadem die Inquisi  
tor notificabit ad conuentus religiosorum, quod  
tali die non erit sermo in illo loco nisi suus. In  
terim Inquisitor sit diligens ad componendum  
sermonem suum, formando secundum materiā,  
de qua agitur, informando populum de veritate  
fidei catholice, contra illam hæresim, quam de  
latus ille habebit iurare, & ad formandum abiur  
rationem, & sententiam cum episcopo, vel vica  
rio ipsius, illius ciuitatis, vel loci: & etiam vt die  
præcedenti abiurationem, de sero ordinet, quod  
ponatur in medio in ecclesia vna sedes alta, in  
qua abiurandus ponatur.

Adueniente autem die Dominica ad abiura  
tionem faciendam, & ad audiendam sententiā,  
seu penitentiam abiurando imponendam, In  
quisitor sermonem faciet generalem, quo facto,  
legantur publicē per notarium, vel aliquem Fra  
trem, vel clericum, ea de quibus ipse abiurandus  
est conuictus, & alia, ex quibus habitus est suspec  
tus de hæresi vehementer: post dicitur sibi per  
Inquisitorem: Ecce a quod ex hic recitatis tu es  
nobis suspectus de tali hæresi vehementer; qua  
re oportet quod tu purges te, & ab iure hæresim  
supradictam: & tunc ponetur coram abiurando  
liber Euangeliorum, & ipse ponet manus super  
illum: & si scit legere competenter, tradetur sibi  
sequens abiuratio in scriptis, & leger coram om  
ni populo. Si autem nesciat legere competenter,  
notarius, vel aliquis religiosus, seu clericus, leget  
ea spatiosē, & abiurandus respondebit alta vo  
ce, & intelligibili per hunc modum. Nam nota  
tus, seu religiosus dicit sic: Ego talis de tali lo  
co, & ipse respondebit per eadem verba: & ille,  
in iudicio constitutus; & iste respondebit per ea  
dem verba semper in vulgari, & sic quousq; ab  
iuratio sit finita, & abiurabit per formam teno  
ris sequentis.

*Forma abiurandi hæresim, quando de  
latus est suspectus vehementer.*

169 **E**Go talis de tali loco, talis diocesis, in iudicio  
personaliter constitutus coram vobis vene  
randis dominis Episcopo talis ciuitatis, & fratre  
tali, Inquisitore hæreticæ prauitatis, in terris di  
tioni talis domini subiectis, sacrosanctis Euange  
lijis positus coram me, & proprijs manibus per  
me tactis, iuro me credere corde, & profiteor ore  
illam sanctam fidem catholicam, & Apostolicā,  
quam sacrosancta Romana Ecclesia docet, pro  
fiteor, predicatq; tenet. Item iuro me crede  
re corde, & profiteor ore quod, &c. *Explicetur ar  
ticulus catholicus contrarius illi hæresi, de qua vehe  
menter est suspectus, vt verbi gratia, si est suspectus*

**A** de processione Spiritus sancti a Patre, et Filio; dice  
tur sic. Iuro me credere corde, & profiteor ore, q  
Spiritus sanctus procedit ꝑ a patre, & Filio, &  
æqualiter tanquā ab uno principio, & nō a duo  
bus: & post abiuret hæresim contrariam sic: Et con  
sequenter abiuro, abnego, & reuoco illam hære  
sim, quæ falso, & mendaciter affirmat, quod Spi  
ritus sanctus nō procedit a Patre, & Filio simul,  
tāquā ab vno principio, sed a duobus. Item iuro,  
quod nunquam prædictæ hæresi credidi, neque  
nunc credo, nec credam, nec illi adhasi, nec ad  
hæreo de præsentis, nec adhasere intēdo, nec do  
cui, nec docere intēdo, nec docebo. Item iure,  
& promitto, q talia, & talia, *exprimatur*, propter  
quæ habetis me suspectum de huiusmodi hæresi  
vehementer, nunquam faciam, nec operam vt  
fiant, dabo. Quod si aliquid de prædictis fecero  
in futurum (quod Deus auertat), pōnis de iure re  
lapsus debitis, prom pto animo me submitto, pa  
ratus subire omnem penitentiam, quam pro his  
quæ feci, & dixi propter quæ habetis me suspec  
tum de dicta hæresi vehementer, decreueritis  
mihī iniungere; & illam iuro, & promitto pro vi  
ribus adimplere, & nullatenus contraire: sic me  
Deus adiuuet, & hæc Evangelia sacrosancta.

**B** Prædicta autem abiuratio fiat in vulgari, ut  
ab omnibus capiatur, nisi fieret solummodo co  
ram personis ecclesiasticis, qui linguam latinam  
intelligerent competenter. Si autem abiurau  
erit secretē, scilicet in palatio Episcopi, vel in ca  
pitulo fratrum, vel Camera Episcopi, vel Inqui  
sitoris quando scilicet factum non est publicū;  
modo consimili abiurabit.

**C** Facta autem prædicta abiuratione, Inquisitor  
poterit dicere ei, qui abiurauit, talia verba ibi pu  
blice, vel similia in effectu: Fili, tu suspensionem,  
quam de te, & merito habebamus, purgasti per  
abiurationem, quā fecisti; volo tamen te redde  
re cautionem: Cautus tibi deinceps quō ages: nā  
si de cætero talia agas vel dicas, propter quæ pro  
betur, quod incidetis in futurum in hæresim  
abiuratam, sine misericordia pœna relapsus debi  
ta punieris, & vt relapsus traderis brachio sæcu  
lari, vltimo supplicio feriendus: quare super om  
nia elonges te a consortio hominum, vita, & mo  
ribus ab alijs communiter dissidentium, ne te fa  
ciant recidere in relapsum.

**D** Sit cautus notarius, q ponat in actis, quō talis  
abiuratio facta est per talem, vt per suspectū de  
hæresi vehementer, & non solum leuiter, ad hęc  
vt si relabatur, sciatur qualiter puniretur: ꝑ quia  
pœna relapsus debita. Quibus peractis feretur sen  
tentia, seu penitentia in hunc modum.

*Forma sententiandi eum, qui abiurauit  
vt suspectus vehementer.*

**N**Os N. Episcopus talis ciuitatis, & Frater N. 170  
Inquisitori hæreticæ prauitatis in terris ta  
lis domini ditioni subiectis, a sancta sede Aposto  
lica specialiter delegatus.

**ATTENDENTES** quod tu talis, de tali lo  
co, & talis diocesis, talia, & talia commisisti,  
dican-

† Capit. r. de  
sum. Trin. &  
fide cath. li. 6

169 Abiuratio  
fiat in vulgari,  
& quando  
possit fieri a  
liter.

Admonicio  
facienda ab  
Inquisitore  
post abiura  
tionem.

† Al. puniri  
debeat.

dicatur illa, vt ex processu meritis diligenter discussis legitime nobis constat, propter quæ, & merito habentes te suspectum vehementer de tali hæretica prauitate, illam vt taliter suspectum te fecimus abiurare, de magno consilio in iure peritorum, iustitia suadente: verum vt effectaris cautior in futurum, & ne reddaris procliuor ad con similia peragenda, & ne crimina remaneant impunita, & vt sis cæteris delinquentibus in exemplum, de multorum magnorum in iure peritorum ac et in sacra Theologia magistrorum, seu doctorum, in & super his habito maturo consilio, pariter & digesto, habentes præ oculis solum Deum ac sanctæ fidei Catholicæ, & Apostolicæ veritatem, sacrosanctis Euangelij positus coram nobis vt de vultu Dei iudicium nostrum prodeat; & nostri oculi videant æquitatem: Sedentesq; tribunali more iudicum iudicantium, te talē hic in nostra præsentia personaliter constitutum, forma, qua sequitur condemnamus, seu potius penitentiam, videlicet, ne deinceps talia, vel talia facere, vel dicere præsumas.

Ponatur illa, que conuincitur commississe, propter que fuit suspectus habitus de predicta heresi vehementer, & non illa, propter que si committeret, incidere leuiter in relapsum, sed alia sibi imponatur prout negotij varietas exposulat, & requirit; vt pote, quod nunquam scienter habeat tales libros, vel ne eos, quos sciuerit abiurasse; & receptet, & similia. Lata fuit hæc sententia, &c.

¶ Al. qualitas

¶ Al. hæreticos.

141

Qua sententia sic lata pariter & perfecta, Inquisitor poterit facere tria. Primum est, quod reducat penitentiam ad certa puncta, & penitentiato exponat illa vt cautior reddatur, informando eum, qd obseruet penitentiam sibi iniuncta, alias incidere in relapsum, & posset impetens merito iudicari. Secundum est, quod cõferat indulgentiam xl. vel xx. dierum, iuxta priuilegiū, Præcunctis. ¶ omnibus, & singulis, qui sermone tuo, vel abiurationi prædictis interfuerunt. Tertium quod exponat populo, quod omnes, qui præstiterunt consilium, auxilium, vel fauorem, quod prædictus talis abiurauerit hæreticam prauitatem, vt pote, qui eum denunciarunt, de posuerunt, consilio interfuerunt, abiurationem, vel sententiã legerunt, habent tres annos de indulgentia; concludendo, & monendo populum, quod quicūq; sciuerit aliquem hæreticum, vel de hæresi suspectum, seu diffamatum, debet Episcopo, vel eidē Inquisitori, seu eorum vicarijs intumare, & habebunt etiam tres annos de indulgentia, iuxta priuilegiū allegatum, & ultra hoc præmium in cælis in æternum.

¶ H. beatus su  
12a pag. 131

172

Penitentia  
spectorum  
de hæresi.

Attendendum est autem, quod suspecti de hæresi, & non deprehensi, siue sint suspecti vehementer siue leuiter, non debent perpetuo immurari, nec perpetuo incarcerationi, quia hæc est pœna illorum, qui fuerunt hæretici, & post penitentiam, vt patet in c. Excommunicamus, 3. de hæret. & in c. Quoniam, de hæret. lib. 6. Sed possunt propter illa, qua commiserunt, ex quibus habitus sunt suspecti, ad certum tēpus incarcerationi, seu carceri mancipari, & postmodum, prout videbitur, dispensari.

Ari, iuxta c. Vt commissi, de hæret. lib. 6. Nec huiusmodi suspecti sunt crucibus consignandi. Næ crucis sunt insignia hæretici penitentis: suspecti autem non fuerunt hæretici habitus, quare non sunt consignandi; potest tamen eis imponi, quod sit certis diebus solemnibus in valus talium ecclesiarum, vel circa altare dum Missarum solemnitas celebrantur, habentes in manibus cereum ardētem tanti ponderis; vel quod vadant ad talem peregrinationem, & similia, prout negotij qualitas expetit, & requirit.

## COMMENT. XLI.

**E**ndem hunc modum paucis mutatis præstribunt Tabiensis in summa, verbo, Inquisitor. §. 16. & Iacobus Sprengelius in mallo maleficarum, 3. par. q. 24. & Locatus in fine operis iudicialis, tit. De forma sententiæ contra vehementer suspectum de heresi. Syluester de virgibus, li. 3. c. 4. puncto 7. nonnulla Zanchinus tract. de heret. cap. 41. & Repertorium Inquisitorum verbo, sententiæ. §. alia sententiæ. vers. quia nobis constat, & alij quos libens omitto. & circa hunc modum nulla serè occurrit difficultas, quam non abunde explicauerimus supra in modo quarto finiendi processum.

Hoc tamen loco illud occurrit declarandū, quod in præcitato commentario consulto omiserā ob prolixitatem: An scilicet prius debeat fieri abiuratio, deinde vero pronuciari sententiæ, an è conuerso? & Emericus, vt series eius indicat, in his modis semper abiurationem præfert sententiæ: neq; absq; ratione. cum enim sententiæ supponat processum cõpletum, & absolutum, rationi consentaneum videtur, vt prius quam sententiæ pronucietur, cõfici debito ordine expediantur, iuxta doctrinam Specular. tit. de sen. §. nunc videndum restat. hæc fortassis respiciens Emericus abiurationem vbiq; præmisit, inde sententiã pronuciavit.

Verum tamen Romæ Illustrissimus sacrosanctus, & generalis Inquisitionis Senatus cõvariū obseruat: prius n. profertur sententiæ, inde penitus abiurat. & prudentissima, & consultissima ratione fieri crediderem: quoniam abiuratio inter pœnas, idēntibus imponendas solet numerari, neque ab hac cõsuetudine crederem recedendum. videto Campegium apud Zanchinum, c. 41. vers. circa ordinem vero.

Post dicitur sibi per Inquisitorē: ecce quod ex hic recitatis tu es nobis suspectus, &c. Non credo necessariū hoc Emerici documentum, nec vsus Inquisitionum hoc nunc obseruat, quod ego sciam: verum tamen cum hanc publicè ad administrationē rei fieri voluerint Inquisitores, honorificentius, et magnificentius videtur, vt decretum legi iubent, quo contineatur, talem iuridicè deprehensam in lectas hereses incidisse, aut habitum fuisse de illis vehementer suspectum, & velut hereticum, & impitentem iudicandum, nisi eas, & alias omnes detestetur hoc loco, hæc die, hæc hora: quo edicto publicato reus clara voce dicit se penitere, & paratum esse ad abiurandum. Campegius apud Zanchinum, capitu. 41. vers. circa ordinem vero, nihil damno, quisq; in his laudabilem sue Inquisitionis sequat. consue.

si fuerit innotuit si irreprehensibilis vult agere  
 f. p. m. i. n. o. s. a. c. r. o. s. a. n. c. t. e. R. o. m. a. n. u. s. & genera-  
 l. i. s. u. n. i. v. e. r. s. i. t. a. t. i. s. r. i. t. u. m. s. e. q. u. a. t. u. r.

**B** Forma abiurandi hæresim, quando delatus  
 est suspectus vehementer. ] *Palebra sunt istę for-  
 mę quas Emericus prescribit, sed si per tempus  
 fuerit legito illam, quam Concilium Constantien-  
 se prescripsit Hieronymo de Praga sessio. 19. alte-  
 ram, quam fecit Berengarius, habes apud Gratianu  
 in c. ego Berengarius. de consecr. dist. 2. quę retulit  
 Emericus par. 2. q. 6. vbi ego aliam eiusdem Berē-  
 garij retuli: aliam abiurandi formulam refert Ioan-  
 nes Tarreteremata, lib. 4. de ecclesia. par. 2. c. 22. &  
 aliam Alfonso Caslus lib. 1. c. vlt. de iusta hære-  
 ticorum punitio. & Joannes Roias singulari, 1. &  
 alij quas velut notas, & cuique obuias omittit. ex  
 quibus quadam hereticis redeuntibus, quadam ve-  
 hementer suspectis competunt.*

**C** Quod incidetis in futurum in hæresim abiu-  
 ratam, &c. ] *Idem sentiendum est etiam si non re-  
 piciat aut relabatur in hæresim abiuratum, sed in  
 aliam speciem hæresis. c. accusatus. §. cum vero. de  
 heret. lib. 6. quoniam hodie de recepta sancti officij  
 consuetudine omnis hæresis abiuratur, vt dixi sup.  
 parte 2. super quest. 40. circa finem.*

**D** Secundum est, quod conferat indulgentiam  
 quadraginta, vel viginti dierum, &c. ] *De his in-  
 dulgentijs conferendis omnibus, qui actus fidei in-  
 terfuerunt, plenissime differit Emericus in hac 3.  
 par. q. 127. cum aliquot sequentibus. vbi, & nos et  
 multa adiungemus.*

**E** Attendendum autem, quod suspecti de hæ-  
 resi, &c. non debent perpetuo immurari. ] *Opti-  
 me iura hoc loco per Emericum adducta probare  
 videntur hanc suam sententiam, de quo dicam ple-  
 ne infra super decimo modo processum fidei termi-  
 nandi extatque singularis de hac re doctrina in Cō-  
 cilio Biterrensi, c. 23. & 24. quam asseram præcita-  
 to loco. interim videto Zanchinum tract. de heret.  
 c. 10. hoc vero Emerici documentum retulit, & se-  
 cutus est Locatus in opere iudiciali verbo, suspicio.  
 tra. 3. 1. vers. suspectus de heresi.*

**F** Nec huiusmodi suspecti sunt crucibus consi-  
 gnandi, &c. ] *Hoc ipsum documentum, quod & ve-  
 rum est, & observandum, refert, & sequitur Cam-  
 pegius apud Zanchinum c. 20. vers. portet crucem,  
 & Repertorium Inquisitorum verbo, crux. §. quali-  
 ter redeuntis, & de his crucibus extat insignis locus  
 in concilio Tarraconensi relato apud Emericu sup.  
 p. 2. & in Concilio Tholosano c. 9. & in concilio Biter-  
 rensi c. 26. de quo differā plenē commentario sequenti  
 vbi est proprius locus. interim videto Zanchinum  
 tract. de heret. c. 20. & Repertoriū Inquisitorū ver-  
 bo, crux, & verbo, penitentia. §. itē si quis publicē.*

*De sexto modo terminandi processum fi-  
 dei in casu violenter suspecti.*

**S**extus modus processum fidei finiendi, & ter-  
 minandi est, quando delatus de hæretica pra-  
 uitate processus meritis diligenter discussis, cum  
 bono consilio in iure peritorum, reperitur suspe-

**A** ctus de hæresi violenter, & hoc est quando dela-  
 tus ipse non reperitur legimè deprehensus cō-  
 fessione propria, nec facti uideantia, nec testium  
 production legitima, sed tantum indicia non leuia  
 solum, vel vehementia, sed fortissima, & violenta,  
 quę ipsum delatum reddunt merito suspectū  
 de hæresi violenter, propter quę talis debet vesse  
 spectus violenter de hæresi abiurare: Vtpote,  
 propter aliquid, quod dixit, vel egit, vt quia susti-  
 nuit excommunicationem per annum, vel plus  
 in causa fidei. Qui enim sustinet excommunica-  
 tionem per annum, vel plus; licet non in causa  
 fidei, est suspectus leuiter de hæresi: quia hoc nõ  
 caret scrupulo hæretica prauitatis. de pœnis ca.  
**B** Grauem. Et si citatus responsurus de fide non  
 compareret, sed renuit contumaciter comparere,  
 propter quod excommunicatur; tunc fit suspec-  
 ctus de hæresi vehementer: nam leuis suspicio  
 transit in vehementem. Sed si sustinet illā ex-  
 communicationem per annum animo pertinaci-  
 tate sic suspectus de hæresi violenter, nam ve-  
 hemens suspicio transit in violentam, cōtra quā  
 non admittitur defensio; immo ex tunc talis est  
 vt hæreticus condemnandus, quę omnia prædi-  
 cta patent per cap. Cum contumacia. & no. ibi-  
 dem. de heret. lib. 6.

**C** Circa istum talis practica est seruanda. Iste  
 enim licet fortasse in re non sit hæreticus, vt po-  
 te, quia non habet errorem in mente, nec de illo  
 errore tenendo pertinaciam in voluntate: vt no.  
 arg. supra allegato: Nihilominus est vt hæreti-  
 cus condemnandus propter prædictam suspicio-  
 nem violentam, contra quam non est probatio  
 admittenda. Hæreticus autem taliter condem-  
 natur, quod si nolit resiliere, & hæresim abiurare,  
 & satisfactionem congruam exhibere, traditur  
 brachio seculari animaduersione debita punien-  
 dus, iuxta c. Ad abolendam. §. presentis. Si autem  
 velit, & cōsentiat cum effectu, abiurat hæresim,  
 & carceri perpetuo mancipatur, iuxta c. Excom-  
 municamus. 2. de heret.

**D** Pari forma ille, qui sic est suspectus de heresi  
 violenter, & est vt hæreticus iudicandus, si nolit  
 resiliere, & ad gremium Ecclesię aduolare, nec  
 hæresim abiurare, nec satisfactionem cōgruam  
 ad arbitrium Episcopi, & Inquisitoris exhibere,  
 traditur brachio seculari ultimo supplicio feri-  
 dus. Si autem velit hæc facere, & consenserit cū  
 effectu, abiurabit, & sententialiter perpetuo car-  
 ceri condemnabitur.

**E** Modus autem disponendi ad abiurationem ta-  
 lis erit.

*Forma disponendi ad hæresim abiuran-  
 dam eum, qui est suspectus de  
 hæresi violenter.*

**N**Am, vt dictum est in quarta, & quinto mo-  
 dis præcedentibus processum fidei termi-  
 nandi; tunc Episcopus, & Inquisitor concordabūt de  
 aliqua die Dominica, vel festina, in qua fiat abiu-  
 ratio antedicta. Quo facto facien- intimari per  
 omnes

174  
 Practica cir-  
 ca violenter  
 suspectos ser-  
 uanda.

Violenter su-  
 spectus si re-  
 nuct abiura-  
 re, traditur  
 brachio secu-  
 lari.